

A sa fizza pianghjola

Proite amada pramma,
t'isfaghes in piantu? e ite mai
dolet a tie chi pianghes gai?
e ite ancora cheres da mamma?

Premurosa e in pena,
si l'abbrazzat sa mama: e in sa ninna
a coro a coro ammutat sa pizinna:
una misica e chelu a boghe lena:

O.o o o o ...coro 'e su coro meu,
peghe ti dia Deu,
a ninna a ninna.o o o o

Ti dormis e t'ischidas
senza assussegu, sempre a chiezà ifustu,
Gesummeu! piantu siat custu,
e custas sian lagrimas buddidas.

Como, senza suffrire
pena peruna, t'affogas: a mannu,
si Deus ti d'hat vida, ites l'affannu,
ite siat dolore has a ischire.
E cando, positivu,
morta deo, e no has piusu a chie
Ti consolet, pianghes in sa die,
cun pius pena e no senza motivu.

No ischisa chi b'hat animas,
a sas cales, e suffrin chissa cantu,
(l'ischit Deus) negadu è su piantu:
e sullevu no hana e nè han lagrimas.

Sa vida est fatta goi,
o anghela innozzente: unu fiore
chi creschede in sa pena, e de lentore
li servit su piantu e sicca poi.

SUNT LACRIMAE RERUM

Su donu de sa vida

Sun tantos e non pagos, sos chi creene
chi cun sa vida, a dogni criadura
regalet unu bene sa natura;
d'eo no isco cal' est custu bene. (bene)

Bene? si bene b'hada est ripienu
de miscugliu omicida: est un'uttiu
de mele solu, in mesu a unu riu
in' unda, de abba brutta e de velenu.

E ne podet sa vida beneigher
ne chie, sende ancora sepultada
senza sensu, in su nudda, bi l'hat dada,
est unu ^{poete} de non poder gigher

Creo d'esse invece una sentenza,
un'ipoteca 'e morte, unu fatale
depidu mannu, una cambiale
chi si devet pagare a s'iscadenzia.

Male senza riparare pro aggiangher
pius pena a sa pena, innoghe, in dolu,
in cust'adde odiosa, in disconsolu,
no hat mancadu mai ite piangher.

Ne sessat, fing'a cando non si ammudat
sa limba umana, e chi sas puppias
consuntas, pius mortas chi no bias,
chie la s'hat azzesas las istudat.

Lacrimae sunt rerum.

Sende pro dare cun suore nou
sementa noa a sa terra, c'haiat
già prepparada; santa s'ora siat,
narat, cun s'uju in alvu, in sinu sou.

Intrat a giugher: si sinnat intantu,
sa manu dritta alzendosi a su chizzu:
in numen de su babbu e de su fizzu
de S'Ispiritu Santu;.....

Tulat, e terra si sinnat: a rughe,
isparghet sa sementa, a larga manu;
rosariende; in aria su ramu
brillat che gias de oro a sa lughe.

A sa 'oghe su giù partit serenu,
in tira e drittu, paret batigiadu:
s'alvada affundat; imberghet: s'aradu
andat e torrat a surcu pienu.

Suerat su ^{massaiju} ~~massaiju~~ postu in pija.
Prement sos incarchende tuju
in sa terra afferrada; a un'ancuju
si faghen sa carena in sa cadrja .

Fumat sa terra no ancora frita
in s'umidu manzanu; est su sekenu
pesadu e postu in fua; in su pienu
ispuntat sa pianta benedita .

L'ammirat su massaiju, e in coro sou
la beneighet; li paret s'odore
chi sa terra tramandat, in s'umore
chi consolet: proffumu 'e pane nou.

E isse intantu sonniat s'alzola,
a notte che a die, in contivizos:
sos boes, su laozzu; e isposa e fizos
regoglidos in una ispera sola.

Lacrime sunt serum